

Tăkarde ta iktăb Buləs i-Fălyamon

Ăšajəš

¹ A-wa näkk, Buləs, wa ihăń takărmut dăg-təssəba n-VisaĀlmasesx d-ăŋja Timoti i-Fălyamon wa n-eməşşerək-nänäg nəkna tärha.

² Nəktab-ak-in käyy d-ălkänisät ta tăžzämmapaxăt dăg-ehän-năk, năhuul-in Afya ta n-wälätma-näg dăg-ăddin d-Arşib wa n-amidi-nänäg dăg-amjär wa nəha.

³ Āhuulăg-kăwän-in iket-năwän, əttarăg day s-Măssinăg-i n-Abba-nänäg d-Emäli VisaĀlmasesx a kăwän-ikfän ännuğmät d-ălxer.

Tămayit n-Buləs dăy-isălan n-Fălyamon

⁴ E-d dălăg Măssinăg-dăg, ad-kăy-dd-əktog, ad-has-tumayăg dăg-təssəba-năk.

⁵ Əjjăšän-ahi isălan n-tärha ta jed i-iməşşeddəjän iket-dăg-năsän d-immun-năk s-VisaĀlmasesx.

⁶ Tattărăg s-Măssinăg ad-umas immun wa hanăg-ăssiirtäyän näkk d-käyy a ih' ălfăyda, ihakkän musnät n-a-wa s-năddooobăt ad-tăxdəm i-Ālmasesx.

⁷ Əkneeğ tedăwit, ăŋja-ğ dăg-ăddin, olwan iman-in dăg-təssəba n-tärha ta käy-hăt s-ənta a-s-təssəsmădăd ulhawän n-iməşşeddəjän.

A-wa irha Buləs dăg-Fălyamon

8 Ămăra, kud-dăg dăg-tëssëba n-a-wa hanăg-osagăñ, əjrawăg turhajät ȝur-Ălmasex n-ad-falla-k əfrădăg a-wa mad-tëjëd,

9 ässoofäg ad-ȝur-k əttaräg idäm dăg-tëssëba n-tärha ta n-jere-năg, näkk Bulës-i n-amgar s-aşäl-i-dăg, heg takärmut dăg-tëssëba n-ȝisa Älmasex.

10 Ăsimätäräg-kăy d-alyad, Unažäm[†] wa dd-äwwäyäg s-immun s-ȝisaÄlmasex dăg-takärmut-ta-dăg heg.

11 Tidët, ibda, wär hak-t-iha härät măšan aşäl-i-dăg, ih'-ahi-t härät näkk hakd käyy.

12 Näkk a sär-k-t-in-ăssiglän, wär t-əzleyäg d-iman-in,

13 äsdärhänäg ad-ȝur-i äqqayäm i-ad-hi-idhél dăg-edägg-năk näkk-i iħän takärmut dăg-tëssëba n-Ālənžil,

14 măšan, wär-ärheg ad-äjäg a-s wär tärđed, wär-ärheg ad-umas ālxer-năk a käy-ahhuusshälän, ässoofäg, ad-dd-ifal ulh-năk.

15 Iha miši s-ajmuđ wa käy-dd-ija har ija härät n-ăzzäman, i n-atwitas n-ad-käy-in-iqqəl härkuk,

16 wädden šund akli, imäl jənnəj-a-wen, ămoos ămăra, ăŋŋa-năg nəkna tärha dăg-ăddin. Tidët-dăg a-s jeeg-as tärha təmdat măšan, käyy a iwar ad-has-tëjëd tärha toojärät ta has-jeğ ed ămăra-dăg, ămoos akli-năk, ămoos day ălmässexi.

[†] **1:10 1:10** Unažäm dăg-Tălyunanit, ălmăgna-net: Wär infä härät.

17 Ƴas kunta tət̄afād-ahi dăg-edăgg n-ăŋŋa-k dăg-ăddin har əjud-i, səbbärrekt s-əmmək wa s-hi mad-səbbärrekt.

18 Kunta ill'-e-t a hak-ıgşad, wăla ill'-e a t-tărwasăd, näkk a t-idmanän.

19 Zəjjəzz hullan edăgg-wa-dăg dăg-tăkarde-ta-dăg, näkk iman-in Buləs a t-iktăbăn s-ăfuss-in. Ǝdmanăg-ak day a-s näkk a hak-madăñ-iżəl falla-s, wär-ämşatărăg day s-ad-käy-dd-səktog a-s käyy iman-năk, leeg-käy, iwar-käy älxaqq-in ed näkk-i-dăg a ija Mässinăg əssəbab wa käy-dd-ăwwăyăñ s-təməzzuyt n-ƳisaĀlmase.

20 Ƴas, ăŋŋa-ɣ, əttarăg dăg-k ad-hi-təjəd idəm dăg-təssəba n-Emäli. Afäl-hi jed a-wen ad-səsmədəd ulh-in dăg-təssəba n-Ālmase.

21 Ǝflasăg a-s ad-hi-səjədəd, a-wen-dăg a făl hak-in-əktăbăg, əkkasăg day äššäk a-s ad-hi-təjəd a ojärän a-wa dăg-k tattărăg.

22 Darät-a-wen, səmmujnət-ah'-in edăgg dăg-ăzzubbeɣ afäl kăwän-in-oseɣ ed jarăg ät̄tämä n-ad-hin-ətwəyyăg dăg-təssəba n-tittar-năwän.

Tihulawen

23 Āhuul-käy-in Ibbafras wa n-amidi-nin dăr-oharăg takärmut dăg-təssəba n-ƳisaĀlmase.

24 Āhuulän-käy-in day imidiwän-in Marqəs d-Aristarăq d-Dimas d-Luqa.

25 Āhuulăg-kăwän-in, əttarăg dăg-Emäli ƳisaĀlmase ad-äj ännygmät-net dăg-ənniyät-năwän. Amin!

**Ălənžil n-Visa Ălmasex: Kitab Ălmuqăddăs
Tamasheq: New Testament**

copyright © 2003 Wycliffe Bible Translators, Inc.

Language: (Tamasheq)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022
b95f369b-a236-5ca8-8cab-11f74279d73c